

**ÖMİRLİK
YAŞAVGA
KALAY
YETEYİM?**

Verner Gitt

ÖMİRLİK YAŞAVGA KALAY YETeyİM?

Ädemlerdiñ köbisi ömirlikten sebep oylangan da etpeydiler. Solardiñ arasinda öz yaşaviniñ ahiri akinda oylataganlar da, ömirlik yaşav akinda oyga berilmeydiler - olardiñ şarklari topirak bolgannan soñ ne bolar eken dep.

Drew Berrymore degen amerikan artisti (tuvğan yili – 1975), bala zamanda “Baska planetşi” degen filmde oynaganda, bulay aytkan bolgan: “Eger men benim misigimnan erte öle kalsam, oga benim otta yagilgan şarkimnin külin aşatuv kerek. Süytip men misigimnin şarkinda bolsa da yaşavimdi uzaytarman”. Ölim akinda munday bilimsizlik, oysizlik özi bolarma?

Isa Masihtiñ künlerinde Oga köp ädemler kelgenler. Olardiñ bäri buyimlari da dunaylik yaşav man baylanisli ediler:

- **on avur teri marazli ädem savlik tilediler** (Luk. 17:31);
- **sokirlar közlerine yarik engenin izlediler** (Mat.9:27);
- **kaybirler asabalik ülesüvde yardım küttiler** (Luk.12:13-14);
- **kesarga yasak tölemege tiyislime yade tuvilma degen sorav man Oga pariseyler kelgen boldilar** (Mat.22-17).

Em tek bir neşev ädem Isadan Köktegi ömirlik yaşavga kalay köşuv akinda bilmege keldiler. Bir yas ädem Isadi izlegen eken sosinday sorav berer üşin: **“Yahşi Ustaz, ömirlik yaşavga yeter üşin maga ne etpege kerek?”** (Luk. 18:18). Isa oga bäri bolgan zatin satip, bäri yanina baa em yuvik bolgannin ayirilgan soñ, kelip Oga izlamaga bolayagin aytti. Tek ol yas ädem bek bay bolgan em Isadiñ keñesine izlamaga süymedi. Tübinde ol ömirlik yaşavdan özin ayirdi. Baskalar da bar ediler: derya Kökte ömirlik yaşav izlemegenler, tek Isa man raskanda, olar sol zatti bilip, ömirlik yaşavga tiyisli boluv amali man paydalanganlar. Misaliga, Zakhey Isadi tek bir körgisi kelgen edi, ama kütkennin kayda köpke tiyisli etildi – Isa Zakheyde konakta bolganda, tap sol şay işe turgan vakitinda Zakhey ömirlik yaşavga yol aldi. Isa bulay aytti: **“Sosi vakittan alip bu üyge kutkariluv keldi”**. (Luk.19:9)

ÖMIRLIK YAŞAVGA TIYISLI BOLUVDIÑ YOLLARI

Yogarida aytilgannan sosinday tamamlav şigarmaga bolamiz:

- Kök Patşaligina ädem bir künniñ birinde tiyisli etiledi. Sizge, äziz okuvşılarga, bilmege kerek zat - bu: siz tap bugün Tengri men ömirlik yaşavga tiyisli etilmege bolasiz;
- Kök Patşaligina tiyisli etilüv kayday da bir borişlardi tolturuv man baylanisli tuvil;
- Kök Patşaligin izlev ayirim äzirlikti talaplamaydi.

Ömirlik yaşavdi izlevde bizim özimizdiñ küş saluvimiz bosina keteek. Eger biz sol yolimizda Tengri Sözine tayan-sak. Bir yirşi öziniñ halk yubantatagan artist akında yirinda bulay yirlaydi: «Ol artist ömirlik yaşavga tiyisli bolayagi belgili, nege dese ol ädemlerge kuvaniş äkeledi». Baska bir bay hatin, Savaplik fondtiñ başşisi, baspana üyin salgan. Sol üyde 20 yarli hatin ak tölemei yaşamaga bolgan, tek bir şartti toltirayak bolsalar: olar är kün sayin bir säat boyınşa olardi saklavşi hatinniñ yanina kutkariluv tilep dua etseler.

AKIYKATLAY DA, BIZ KALAY ÖMIRLIK YAŞAVLI BOLARMIZ?

Sol zatti bizge tüsindirer üşin, Isa bizge sosinday akil söz aytti (Luk.14:16): Bir ädem (habarda ol Tengridiñ Özi eken) ulli ziyapet tizip (habarda - Kökte), köp ädemlerdi şakiradi. Tek soñ bolgan zat seyirdi tuvdiradi. Bäri şakirilganlar da birinnen soñ biri, keşirüvdi tilep, kelmeektiñ amalin ettiler. Bäri bir tilden bolganday, keşirüvdi tilediler:

Birinşi aytadi: men yer satip alganman...

Ekinşisi: men bes kosak ögiz satip alganman...

Üşinşisi: men üylengenmen, soniñ üşin barip bolmayman...

Isa akil sözün şakirmaga yiberilgeniñ sözlari men kutildi: **«Sol sebepten sizge aytaman: men şakirganlardiñ birisi de Menim asimdi avizina salmayak».** (Luk.14:24).

Sonnan sebep, Kök Patşaligina tiyisli bolmaga da, tap süytip oni yoymaga da boladi. Ayirgiş zat bu erde: şakiruvdi hoş körip alarmizba, yade essiz kaldirarmizba? Munnan baska bir yeñil bolgan zat barma eken? Eş te yok! Eger

kaşan da bolsin bizim aramızdan köpler Kök Patşaligina kirip bolmasalar, sol zattiñ sebebi – olardıñ kalay onda kir-mege keregin bilmegenlerinnen tuvil. Kerisinşe, şakiruvdi hoş körip almaganlarında bolayak. Isadıñ akil sözindegi ol üş insan bizge körim bolmaska kerekler, nege deseñ, üşevdiñ birisi de şakiruvdi almagan em ziyapetke kelme-gen! Bolsa da ziyapet halksiz kalmadı!

Şakirilganlardıñ kelmege unamagan soñ, lye şakiruvdi är yerde yaşagan är kimge yiberdi. Tek ol endi altinsuv man yazilgan ayirim şakiruvlar tuvil, bulay aytilgan: «Keliñiz!» – degen söz boldi. Em är bir, sosi şakiruvdi hoş körip algan in-san. Sol ziyapet salingan yerde özine dep simarlangan ornin tabadi. Em de ne? Ädemler kelüvde boldilar. Toparlasip ta kelediler. Biraz zaman ketken soñ, lye endi de köp bos orin-lar bar ekenin köredi! Öziniñ yalşısına: «Bar. Endi de keleek bolganlardı sol oylarında berkit...» - deydi. Sosi akil söz bi-zim äligi zamandagi ällerdi bek te tuvra belgileydi.

Kökte endi de köplegen bos orinlar bar em Tengri: «Kel, öz orniñdi Kökte biyle. Akilli bol. Ömirlikte öz orniñdi alip kal. Tap bugün sol zatti et!» - deydi.

Kök aytip bolmastay älemet, sonıñ da üşin İsa Masih oni mol ziyapetli toy man teñlestiredi. Korinşilerge atalgan birinşi hatta (2:9) Kök akında bulay aytiladi: **«Köz de kör-megen, kulak ta esitpegen. Ädem yüregine de kelmegen Tengridiñ Oni süygenlerge äzirlegenin»**. Sosi yerdiñ us-tinde Köktegi men teñlestirip bolganday eş birzat ta yok. Sonday älemet onda! Kök sol kader de baali, em biz onda baruvdiñ eş bir amalin yoymaska kerekpiz. Tengridiñ uli İsa bizge Kökke esik aştı em Ol arkali bizge onda tüsüv – aylak ta eñil. Endi tek bizim öz ihtiyarimiz bärin ayiratagan



zat boladi. Em de tek ol habardagi kiska akilli üş insanday ädemler şakiruvdi almaslar.

KUTKARILUV ISA MASIHTEN KELEDI

Elşilerdiñ Isleri akında Kitapta (2:21) biz bek mäneli sözlerdi tabamız: «*Rabbiydi (Masihti) şakirgan är kim de kutkarilayak*». Yañi Antlasuvdiñ tüp negizindegi sözler bu. Elşi Paul Pilip kalasiniñ zindanında turganda, öz karavilşisi man sözün bulay bitirdi: «*lynan Rabbi Isa Masihke, em de kutkarilarsiñ, öziñde, savlay üyiñde*» (Elş.16:31). Sosi sözdiñ, kiskaligina da karamay, ädemniñ yaşavin tanimastay türlendiretagan küşi bar. Sol ok keşe karavilşi tevbe kilip, Isaga iyergen boldi.

Tagi da bir äldi biz amalsiz bilmege tiyislimiz: Isa bizdi ömirlik ölimge, yahanemge äketetagan yoldan taydirмага süyedi. Kie Kitaptiñ aytuvinşa, ädemler Kökte (yennette) em Yer astında (yahanemde) ömiri turayaklar. Birinşisi – älemet, ekinşisi – yamanniñ yamani. Üşinşi yer degen yok. Ölimnen soñ bes takiyka ozganlay, ölüm men bärei zat ta kutiladi degen eş birev de bolmas. Bärei zat ta Isa Masihtiñ emiri men şeşiledi. Bizim ömirlikke köşüvimiz tek bir siñar Isadiñ kolında, em bizim Oni man tüzgen aykaslarımızga köre şeşiledi!

Bir kere lekcion okuv programmasi man men Poloniyada bolganda, biz Osvencim atli ävelgi kontslager'de ekskursionda boldik. Üşinşi reih zamanlarında munda esapsiz avur özgerisler ozdilar. 1942-1944-nşi yıllarda bu yerde bir million yarimnan artik ädemler (köbinşe - juutlar) gaz kameralarda yagilganlar. Adabiyatta sol baylanisli «Osvencimniñ yahanemi» degen söz tuvip berkitildi. Sol söz akında men ekskursionda gaz kamerada turgan zamanda oylay edim. Bir keresine gaz kamerada alti yüz ädem öltirilgen bolgan. Tek sol ma edi akiykat yahanem?

Bizim ekskursion kübimiz sol gaz kameralardi karap yürmege bola edi, nege deseñ, munda endi birevdi de yazalamaydilar. Sosi epsiz kiyanatşilik 1945 yilda toktatilgan. Osvencimniñ gaz yahaneminiñ zaman mazhalari bolgan, Kie Kitap aytatagan yahanem – ömirlik zat.

Osvencim muzeyinde benim karamim tamdagi kaştıñ süvretine tigildi. Lagerde tutilganlardıñ birisi tamda özi-

niñ ümitin mik pan tirnap süvretlegen. Sosi süvretşi baska tutilganlardıñ sanında gaz kamerada öltirilgen, tek ol Kutkaruvşı Isadi bilgen. Em ol sosi yaman erde ölgen bolsa da, oga Kök aşık edi. Bizdi Yañi Antlasuvda Isa Masih sakindiratagan yahanemde (Mat. 7:13; 5:29-30; 18:8) ädemge kutkariluv yok. Osvencim men teñlestirsek, yahanem ömiri «isleydi», sogä köre yahanemde kiska ekskursion ozgarip eş bolmaydı.

Kök te ömirlik zat. Sosi yerge bizdi Tengri äkelgisi keledi. Soga köre şakiruvdi hoş körüp aliñiz em de Tengrige keliñiz. Rabbiydiñ atin şakiriñiz em sol arkali öziñizge Kökte orin äzirleñiz.

Bir kün benim lekcionimnan soñ bir hatin magä tınışsızlanıp sorav berdi: «Ömirlikte öziñe orin äzirlegen degen ol ne? Bu zat elgezerliktiñ burosin eske tüsiredi». Men bolsam oni man unastım: «Kim erterek äzirlemese, sol tübinde miradına etpeek. Eger siz Gavay aralina barmaga süyseñiz, sizge billet boluvi kerek». Ol bolsa mennen tagi soraydı: «Ama billet üşin ak tölev kerek?!» «Äşe, Kökke billet üşin de tölev kerek. Tek ol billet sonday bir baa, bizim aramızda oni satıp alarday kisi yok. Sosi zatka burşav bolatagan zat – bizim küñalarımız. Öz Patşalığında Tengri eş bir küñadi de körüp unamaydı. Bu yaşavdıñ ahırında Tengridiñ Kök ömirliğinde bolgisi kelgen ädem bas dep öz küñalarinnan bosanmaga kerek. Küñalardan bosanuvdi tek küñasız bermege bolayak – em ol – Isa Masih. Tek Ol özi bizdi kutkarıp bolayak! Sol zat üşin Ol öz kanin tökken, Kaşta yazalanuvdi alıp».

Endi men bolsam ömirlik yaşavga tiyisli bolar üşin ne etpege kerekpen? Tengri bizim är birimizge Kutkariluvga şakirip öz sözün karatadı. Kie Kitaptiñ köp yerleri bizdi Tengri şakiruvına yavaplamaga şakiradı:

- **«Tar kapıdan kirmege bäri küşiñizdi salıñız».** (Luk.13:24)
- **«Tevbe kiliñiz, nege dese Kök Patşalığı yuvıklaydı».** (Mat.4:17)
- **«Tar kapılardan kiriñiz, nege deseñ keñ kapılar em keñ yol – ölimge äketediler, em köpler solar man yurediler; nege deseñ ömirlikke äketetagan kapılar tar, yol tar em köp bolmagan kaybirler olardı tabadılar»** (Mat. 7:13-14)



- «**Ömirlik yaşavdan ayirilma, sen oga şakirilgansiñ**» (1 Tim. 6:12)
- «**Rabbiy Isa Masihke iynan em de kutkarilgan bolar-siñ...**» (Elş. Isl. 16:31).

Bular bəri de – bek iynandirgan bizge karatilgan şakiruvlar. Olarda äller bu zaman bek te mäneli ekeni seziledi. Soga köre, siñar duris abit – sol şakiruvga sosinday dua kepte yavap bolayak:

«Rabbiy Isa, älige deyim men tap Sen yoktay körüp ayşadim. Tek bugün men Seni tanidim, soniñ da üşin birinşi kere Saga sosinday dua man ün sözimdi karataman. Men endi yennet te, yahanem de bar ekenin bilemen. Men tileymen Saga, meni yahanemnen kutkar. Oga men tiyisli etilgenmen bəri özimniñ künarim üşin, birinşilei bolip özimniñ Saga iynanmavim üşin. Menim äligi siñar avasim – bir zamanniñ birinde em ömirlerge Seniñ yaniñda Kökte boluv. Menim bir yetimisim de, iygi islerim de maga Kökte orin simarlap bolmayagi maga belgili, tek Saga iynanuvim maga Kökke yoldi aşayak. Nege deseñ Sen meni süesiñ, nege deseñ, Sen benim üşin Kaşta ölimdi aldiñ em Öz ölimiñ men meni kutkardiñ. Soniñ üşin men Saga razilikti aytaman. Sen benim bəri künarimdi da köresiñ– benim tuvganimnan alip älige deyim. Saga benim yaşav boyi etken künarim belgili: men özim bilgen em de köpten mutip ta kutilgan künarim. Sen men akinda bärin de bilesiñ. Saga benim yüregimniñ är bir imtilisi, kuvaniş bolsin, kaygiruv bolsin, belgili. Seniñ aldiñda men – aşik kitap. Äligi kekimde em de älige deyim yaşagan kekimde men Seniñ em akiykat Tengridiñ

aldina kelip, em de Kökke barip bolmayman. Soga köre, tiley-
men Saga: maga bäri künalarimdi keşir, böten de men olar
bolgani üşin ak yürekten ökinemen. Bu vakittan alip men Seni
özimniñ Rabbiyim dep bilemen. Menim yaşavimdi Öziñniñ
başılıgiña al. Men Sen süygendey etip yaşagim keledi.

Maga Seni men bolmaga orav etken är ne zattan tazalan-
maga maga yardım et dep tileymen. Maga yañi, Sen yarat-
kanday, kasiet-kilikti ber. Maga Seniñ Söziñniñ - Kie Kitaptiñ
akiykatligin - aş. Seniñ ol arkali maga aytayak bolgan zatiñ-
di añlamaga maga yardım bol, ol arkali yaşavda yañi küş-
karuvdi em kuvanişti tabip üyret. Munnan alip Sen benim
yan tapşirgan em izlagim kelgen RABBIYIM. Körsetşi maga
endiden alip yürmege tiyisli yoldi. Meni esitkeniñ üşin Saga
razilik sözimdi aytaman. Saga kelip, Tengridiñ säbiyi bolganim
em zaman yetkende Seni men ömiri Kökte bolayagim akinda
Seniñ söziñe iynanaman. Munnan alip endi kayday da yaşav
ällerinde em de är zaman Sen meni men bolayagiñdi bilge-
nim – maga aylak ta üyken näsip em
kuvaniş. Maga dayim da Tengri Sözin
esitip turar üşin, Saga ak yürekten
iynangan ädemlerdi, Kie Kitaptiñ
sözinnen taymay yaşagan ümmetti
tappaga Sen yardım etşi. Amin».

Professor, teknikalik ilmileriniñ
doktori Verner Gitt



Asil tilinde ati: Wie komme ich in den Himmel?
Avttordiñ internet-saytı: www.wernergitt.de

Bruderhand-Medien
Am Hofe 2, 29342 Wienhausen, Germany
Tel.: +49 (0) 51 49 98 91-0, Fax: -19
E-Mail: info@bruderhand.de, Homepage: bruderhand.de



Nr. 864 – Noghaisch (lateinisch) / Noghay (Latin) – 1st edition 2014